

大般若波羅蜜多經

第五百二十三

五十三
珠三

47320



元祿九年丙子二月日重脩

皇圖 聖圖 帝階 殿呂

佛日 增輝 懋輪 崇轉

山城州天安寺法金剛院置



大般若波羅蜜多經卷第五百二十三

珠

三藏法師玄奘奉

詔譯

第三分方便善巧品第二十六之一



爾時善現作是念言如是般若波羅蜜多最
為甚深諸佛無上正等菩提亦最甚深我當
問佛二甚深義作是念已便白佛言甚深般
若波羅蜜多即佛無上正等菩提諸佛無上
正等菩提即深般若波羅蜜多如是般若波
羅蜜多及佛無上正等菩提俱最甚深不可
盡故何緣此二說為無盡佛告善現甚深般
若波羅蜜多及佛無上正等菩提皆如虛空
不可盡故說為無盡具壽善現復白佛言云



何菩薩摩訶薩應引發般若波羅蜜多佛告
善現諸菩薩摩訶薩應觀色無盡故引發般
若波羅蜜多應觀受想行識無盡故引發般
若波羅蜜多廣說乃至應觀一切智智亦無
盡故引發般若波羅蜜多復次善現諸菩薩
摩訶薩應觀色如虛空無盡故引發般若波
羅蜜多應觀受想行識如虛空無盡故引發
般若波羅蜜多廣說乃至應觀一切智智如
虛空無盡故引發般若波羅蜜多復次善現
諸菩薩摩訶薩應觀無明緣行如虛空無盡
故引發般若波羅蜜多應觀行緣識如虛空
無盡故引發般若波羅蜜多應觀識緣名色

珠 大般若經卷之三

如虛空無盡故引發般若波羅蜜多應觀名
色緣六處如虛空無盡故引發般若波羅蜜
多應觀六處緣觸如虛空無盡故引發般若
波羅蜜多應觀觸緣受如虛空無盡故引發
般若波羅蜜多應觀受緣愛如虛空無盡故
引發般若波羅蜜多應觀愛緣取如虛空無
盡故引發般若波羅蜜多應觀取緣有如虛
空無盡故引發般若波羅蜜多應觀有緣生
如虛空無盡故引發般若波羅蜜多應觀生
緣老死愁歎苦憂惱如虛空無盡故引發般
若波羅蜜多善現當知諸菩薩摩訶薩應作
如是引發般若波羅蜜多善現當知諸菩薩

摩訶薩如是觀察十二緣起遠離二邊是諸
菩薩摩訶薩衆不共妙觀善現當知諸菩薩
摩訶薩菩提樹下坐金剛座如實觀察十二
緣起猶如虛空不可盡故便能證得一切智
智善現當知若菩薩摩訶薩以如虛空無盡
行相行深般若波羅蜜多如實觀察十二緣
起珠 大般若經卷百三不墮聲聞及獨覺地速證魚上正等菩提
善現當知住菩薩乘善男子等若於魚上正
等菩提有退轉者皆悉不依引發般若波羅
蜜多巧便作意由彼不了云何菩薩摩訶薩
修行般若波羅蜜多能以如虛空無盡行相
如實觀察十二緣起引發般若波羅蜜多善

現當知住菩薩乘善男子等若於無上正等
菩提而有退轉皆由遠離引發般若波羅蜜
多方便善巧善現當知若菩薩摩訶薩能於
無上正等菩提不退轉者一切皆依引發般
若波羅蜜多方便善巧是菩薩摩訶薩由依
如是方便善巧修行般若波羅蜜多以如虛
空無盡行相引發般若波羅蜜多如實觀察
十二緣起是菩薩摩訶薩由此因緣速能圓
滿甚深般若波羅蜜多善現當知諸菩薩摩
訶薩如是觀察緣起法時不見有法無因而
生不見有法無因而滅不見有法性相常住
不生不滅不見有法有我有情廣說乃至知

者見者不見有法若常若無常若樂若苦若
我若無我若淨若不淨若寂靜若不寂靜若
遠離若不遠離善現當知諸菩薩摩訶薩常
應如是觀察緣起修行般若波羅蜜多善現
當知若時菩薩摩訶薩如實觀察緣起法門
修行般若波羅蜜多是時菩薩摩訶薩不見
色蘊乃至識蘊若常若無常若樂若苦若我
若無我若淨若不淨若寂靜若不寂靜若遠
離若不遠離廣說乃至不見一切智智若常
若無常若樂若苦若我若無我若淨若不淨
若寂靜若不寂靜若遠離若不遠離善現當
知若時菩薩摩訶薩修行深般若波羅蜜多是

珠
大般若經卷五百之三

三

時菩薩摩訶薩雖行般若波羅蜜多而不見
有所行般若波羅蜜多亦復不見有法能見
所行般若波羅蜜多亦不見有如是見雖
行靜慮精進安忍淨戒布施波羅蜜多而不
見有所行靜慮乃至布施波羅蜜多亦復不
見有法能見所行靜慮乃至布施波羅蜜多
亦不見有如是見廣說乃至雖修一切智
智而不見有所修一切智智亦復不見有法
能見所修一切智智亦不見有如是見善
現當知諸菩薩摩訶薩於一切法以無所得
而為方便應行般若波羅蜜多善現當知若
時菩薩摩訶薩於一切法以無所得而為方

便修行般若若波羅蜜多是時惡魔生大憂惱
如中毒箭譬如有人父母卒喪身心苦痛惡
魔亦尔具壽善現便白佛言為一惡魔見諸
菩薩於一切法以無所得而為方便修行般
若波羅蜜多生大憂惱如中毒箭為遍三千
大千世界一切惡魔皆亦如是佛告善現遍
滿三千大千世界一切惡魔皆亦如是各於
本座不能自安善現當知諸菩薩摩訶薩當
應安住甚深般若波羅蜜多真淨行住若菩
薩摩訶薩常能安住甚深般若波羅蜜多真
淨行住世間天人阿素洛等伺求其短終不
能得亦復不能擾亂鄣礙是故善現若菩薩

珠
大般若經卷五百十三

摩訶薩欲得無上正等菩提當勤安住甚深
般若波羅蜜多真淨行住善現當知若菩薩
摩訶薩能正安住甚深般若波羅蜜多真淨
行住則能修滿布施淨戒安忍精進靜慮般
若波羅蜜多若菩薩摩訶薩能正修行甚深
般若波羅蜜多便能具足修滿一切波羅蜜
多尔時善現即白佛言云何菩薩摩訶薩能
正修行甚深般若波羅蜜多便能修滿布施
淨戒安忍精進靜慮般若波羅蜜多佛告善
現若菩薩摩訶薩無倒修行甚深般若波羅
蜜多時以一切智智相應之心而行布施乃
至般若持此功德與諸有情同共迴向一切

智智如是善現諸菩薩摩訶薩能正修行甚
深般若波羅蜜多便能修滿布施淨戒安忍
精進靜慮般若波羅蜜多

爾時具壽善現白佛言世尊云何菩薩摩訶

薩安住布施波羅蜜多引攝淨戒乃至般若

波羅蜜多佛告善現若菩薩摩訶薩以無愛

珠
大般若經五百三

染無慳恡心行布施時持此布施與諸有情

同共迴向一切智智於諸有情起慈身業語

業意業遠離惡戒是為菩薩摩訶薩安住布

施波羅蜜多引攝淨戒波羅蜜多若菩薩摩

訶薩以無愛染無慳恡心行布施時持此布

施與諸有情同共迴向一切智智若諸受者

感餘有情非理毀罵嫌害凌辱等。薩於彼不起變異瞋忿害心身語加報。唯生憐愍慈悲之心。以和爽言慙愧遜謝。是為菩薩摩訶薩安住布施波羅蜜多。引攝安忍波羅蜜多。若菩薩摩訶薩以無愛染無怪悞心行布施時。持此布施與諸有情同共迴向一切智智。若諸受者感餘有情非理毀罵嫌害凌辱。爾時菩薩便作是念。諸有造作如是類業。還自感得如是類果。我今不應計彼所作廢修自業。後作是念。我應於彼及餘有情捨心施心。倍更增長。無所願惜。作是念。已發起增上身心。精進常行。慧捨。是為菩薩摩訶薩安住布施。

波羅蜜多引攝精進波羅蜜多若菩薩摩訶
薩以無愛染無慳恡心行布施時持此布施
與諸有情同共迴向一切智智於諸受者及
餘境界心無散亂不求諸欲三界二乘唯求
佛果是為菩薩摩訶薩安住布施波羅蜜多
引攝靜慮波羅蜜多若菩薩摩訶薩以無愛

珠

大般若經五百三

六

染無慳恡心行布施時持此布施與諸有情
同共迴向一切智智觀諸受者施者施物皆
如幻事不見此施於諸有情有損有益達一
切法畢竟皆空不可得故是為菩薩摩訶薩
安住布施波羅蜜多引攝般若波羅蜜多具
壽善現復白佛言云何菩薩摩訶薩安住淨

戒波羅蜜多引攝布施乃至般若波羅蜜多
佛告善現若菩薩摩訶薩安住淨戒波羅蜜
多具身律儀具語律儀具意律儀造諸福業
由此福業離斷生命乃至邪見不求聲聞獨
覺等地唯求無上正等菩提菩薩於時安住
淨戒廣行慧施隨諸有情須食與食須飲與
飲須餘資具與餘資具護持如是布施善根
與諸有情平等共有迴向無上正等菩提不
求聲聞獨覺等地是為菩薩摩訶薩安住淨
戒波羅蜜多引攝布施波羅蜜多若菩薩摩
訶薩安住淨戒波羅蜜多設諸有情競來分
割菩薩支節各取持去菩薩於彼不生一念

忿恚之心但作是念我今獲得廣大善利詔
捨臭穢危脆之身得佛清淨金剛之身是為
菩薩摩訶薩安住淨戒波羅蜜多引攝安忍
波羅蜜多若菩薩摩訶薩安住淨戒波羅蜜
多身心精進常無間斷被大悲甲發弘誓言
一切有情沉淪苦海我當拔置甘露涅槃是
珠 大般若經卷五百三
為菩薩摩訶薩安住淨戒波羅蜜多引攝精
進波羅蜜多若菩薩摩訶薩安住淨戒波羅
蜜多雖入初靜慮乃至滅想受定而不墮聲
聞獨覺等地亦不證實際由本願力所住持
故作是念言諸有情類沉溺苦海不能自出
我今既住清淨尸羅方便引發神通靜慮定

當拔置常樂涅槃是為菩薩摩訶薩安住淨
戒波羅蜜多引攝靜慮波羅蜜多若菩薩摩
訶薩安住淨戒波羅蜜多不見有法若有為
若無為若墮有相若墮無相若墮有數若墮
無數唯觀諸法不離真如廣說乃至不思議
界此真如等亦不可得由此般若波羅蜜多
方便善巧不隨聲聞獨覺等地唯趣無上正
等菩提是為菩薩摩訶薩安住淨戒波羅蜜
多引攝般若波羅蜜多具壽善現復白佛言
云何菩薩摩訶薩安住安忍波羅蜜多引攝
布施乃至般若波羅蜜多佛告善現若菩薩
摩訶薩安住安忍波羅蜜多從初發心乃至

安坐妙菩提座於其中間設有種種有情之類非理毀罵輕蔑凌辱乃至分割支節持去菩薩介時都無忿恚但作是念此諸有情深可憐愍為煩惱毒擾亂身心不得自在無依無護貧苦所逼我當施彼隨意所須飲食衣服及餘資具護持如是布施善根與諸有情平等共有迴向珠 大般若經卷第三無上正等菩提以無所得而為方便如是迴向大菩提時遠離三心謂誰迴向何所迴向以何迴向是為菩薩摩訶薩安住安忍波羅蜜多引攝布施波羅蜜多若菩薩摩訶薩安住安忍波羅蜜多從初發心乃至安坐妙菩提座於其中間乃至為救自

命因緣於諸有情終不損害乃至不起諸惡
邪見菩薩如是修淨戒時不求聲聞獨覺等
地復持如是淨戒善根與諸有情平等共有
迴向無上正等菩提以無所得而為方便如
是迴向大菩提時遠離三心謂誰迴向何所
迴向以何迴向是為菩薩摩訶薩安住安忍
波羅蜜多引攝淨戒波羅蜜多若菩薩摩訶
薩安住安忍波羅蜜多發起勇猛增上精進
常作是念若一有情在一踰繕那外或十或
百乃至無量踰繕那外或在一世界外或十
或百乃至無量諸世界外應可度者我定當
往方便教化令其受持或八学處或五学處

或十学處或具学處或令住預流果或令住
一來果或令住不還果或令住阿羅漢果或
令住獨覺菩提或令安住諸菩薩地乃至無
上正等菩提尚不辭勞況為教化無量無數
無邊有情皆令獲得利益安樂而當懈倦復
持如是精進善根與諸有情平等共有迴向
珠 大般若經五百三十三
無上正等菩提以無所得而為方便如是迴
向大菩提時遠離三心謂誰迴向何所迴向
以何迴向是為菩薩摩訶薩安住安忍波羅
蜜多引攝精進波羅蜜多若菩薩摩訶薩安
住安忍波羅蜜多攝心不亂離欲惡不善法
有尋有伺離生喜樂入初靜慮廣說乃至入

滅想受定此諸定中隨所生起心心所法及
諸善根一切和合與諸有情平等共有迴向
無上正等菩提以無所得而為方便如是迴
向大菩提時遠離三心謂誰迴向何所迴向
以何迴向於諸靜慮及靜慮支都無所得是
為菩薩摩訶薩安住安忍波羅蜜多引攝靜
慮波羅蜜多若菩薩摩訶薩安住安忍波羅
蜜多修行般若波羅蜜多於諸法中住修法
觀雖以遠離行相或以寂靜行相或以無盡
行相或以永滅行相觀一切法而於法性能
不作證乃至能坐妙菩提座證得無上正等
菩提從此座起轉妙法輪利益安樂諸有情

類復持如是妙慧善根與諸有情平等共有
迴向無上正等菩提以無所得而為方便如
是迴向大菩提時遠離三心謂誰迴向何所
迴向以何迴向是為菩薩摩訶薩安住安忍
波羅蜜多引攝般若波羅蜜多如是引攝非
取非捨具壽善現復白佛言云何菩薩摩訶
薩珠安住精進波羅蜜多引攝大般若經卷五十三布施乃至般若
波羅蜜多佛告善現若菩薩摩訶薩安住精
進波羅蜜多身心精進常無懈怠求諸善法
亦無厭倦恒作是念我定應得一切智智不
應不得是菩薩摩訶薩為欲饒益一切有情
常發誓願若一有情在一踰繕那外或十或

百乃至無量踰繕那外或在一世界外或十
或百乃至無量諸世界外應可度者我定當
往方便教化若菩薩乘善男子等令住無上
正等菩提若聲聞乘善男子等令住預流一
來不還阿羅漢果若獨覺乘善男子等令其
安住獨覺菩提若餘有情令其安住十善業
道如是皆以法施財施而充足之方便引攝
復持如是而施善根與諸有情平等共有迴
向無上正等菩提不求聲聞獨覺等地以無
所得而為方便如是迴向大菩提時遠離三
心謂誰迴向何所迴向以何迴向是為菩薩
摩訶薩安住精進波羅蜜多引攝布施波羅

蜜多若菩薩摩訶薩安住執進波羅蜜多從
初發心乃至安坐妙菩提座自離害生命乃
至邪見亦勸他離害生命乃至邪見無倒稱
揚離害生命乃至邪見法歡喜讚歎離害生
命乃至邪見者是菩薩摩訶薩持此淨戒波
羅蜜多不求二乘及三界果但持如是淨戒
珠 大般若經五百三十一
善根與諸有情平等共有迴向無上正等菩
提以無所得而為方便如是迴向大菩提時
遠離三心謂誰迴向何所迴向以何迴向是
為菩薩摩訶薩安住精進波羅蜜多引攝淨
戒波羅蜜多若菩薩摩訶薩安住精進波羅
蜜多從初發心乃至安坐妙菩提座於其中

問人非人等競來惱觸辱後所判斷割支體
隨意持去菩薩尔時不作是念誰所判我誰
割我誰復持去但作是念我今獲得廣大
善利彼諸有情為益我故來割我身分支
節然我本為一切有情而受此身彼來自取
已所有物而成我事菩薩如是審諦思惟諸
法實相而修安忍持此安忍殊勝善根不求
聲聞獨覺等比但持如是安忍善根與諸有
情平等共有迴向無上正等菩提以無所得
而為方便如是迴向大菩提時遠離三心謂
誰迴向何所迴向以何迴向是為菩薩摩訶
薩安住精進波羅蜜多別攝安忍波羅蜜多

若菩薩摩訶薩安住精進波羅蜜多勤修諸
定謂離欲惡不善法有尋有伺離生喜樂入
初靜慮廣說乃至入第四靜慮於諸有情起
與樂想入慈無量廣說乃至入捨無量於諸
色中起狀鹿想入空無邊處定廣說乃至入
滅想受定是菩薩摩訶薩雖入如是靜慮無
量珠無色滅定而不攝受彼異熟果但隨有情十二
應可受化作饒益處而於中生既生彼已用
四攝事六到彼岸而饒益之是菩薩摩訶薩
依諸靜慮起勝神通從一佛土至一佛土親
近共養諸佛世尊請問甚深諸法性相精勤
引發殊勝善根持此善根以無所得而為方

便與諸有情平等共有迴向無上正等菩提
如是迴向大菩提時遠離三心謂誰迴向何
所迴向以何迴向是為菩薩摩訶薩安住精
進波羅蜜多引攝靜慮波羅蜜多若菩薩摩
訶薩安住精進波羅蜜多不見布施乃至般
若波羅蜜多若名若事若性若相不見四念
住乃至八聖道支若名若事若性若相乃至
不見一切智智若名若事若性若相亦不見
一切法若名若事若性若相於諸法中不起
想念無所執著如說能作復持如是妙慧善
根與諸有情平等共有迴向無上正等菩提
以無所得而為方便如是迴向大菩提時遠

離三心謂誰迴向何所迴向以何迴向是為
菩薩摩訶薩安住精進波羅蜜多引攝般若
波羅蜜多具壽善現復白佛言云何菩薩摩
訶薩安住靜慮波羅蜜多引攝布施乃至般
若波羅蜜多佛告善現若菩薩摩訶薩安住
靜慮波羅蜜多於諸有情行財法施謂離欲
珠 大般若經卷第九十三
惡不善法有尋有伺離生喜樂入初靜慮廣
說乃至入滅想定是菩薩摩訶薩以無亂
心為諸有情宣說正法行財法施是菩薩摩
訶薩常自行財法施亦常勸他行財法施常
正稱揚行財法施法亦常歡喜讚歎行財法
施者是菩薩摩訶薩持出善根不求聲聞獨

覺等地但持如是布施喜根與諸有情平等
共有迴向無上正等菩提以無所得而為方
便如是迴向大菩提時遠離三心謂誰迴向
何所迴向以何迴向是為菩薩摩訶薩安住
靜慮波羅蜜多引攝布施波羅蜜多若菩薩
摩訶薩安住靜慮波羅蜜多受持淨戒常不
發起貪瞋癡害俱行之心亦不發起慳嫉破
戒俱行之心但常發起一切智智相應作意
護持如是淨戒善根不求聲聞獨覺等地與
諸有情平等共有迴向無上正等菩提以無
所得而為方便如是迴向大菩提時遠離三
心謂誰迴向何所迴向以何迴向是為菩薩

摩訶薩安住靜慮波羅蜜也引攝淨戒波羅
蜜多若菩薩摩訶薩安住靜慮波羅蜜多修
行安忍觀色如聚沫觀受如浮泡觀想如陽
焰觀行如芭蕉觀識如幻事作是觀時於五
取蘊不堅實想常現在前復作是念諸法皆
空離我我所色是誰色受是誰受想是誰想
行是誰行識是誰識如是觀時復作是念諸
法皆空無我我所誰能斫截誰受斫截誰能
毀罵誰受毀罵誰復於中應起忿恚菩薩如
是依止靜慮審觀察時能具安忍復持如是
安忍善根與諸有情平等共有迴向無上正
等菩提以無所得而為方便如是迴向大菩

珠
大般若經卷第五十三

十四

提時遠離三心謂誰迴向何所迴向以何迴
向是為菩薩摩訶薩安住靜慮波羅蜜多引
攝安忍波羅蜜多若菩薩摩訶薩安住靜慮
波羅蜜多發勤精進離欲惡不善法有尋有
伺離生喜樂入初靜慮廣說乃至入第四靜
慮菩薩如是修靜慮時於諸靜慮及靜慮支
皆不取相發起種種神境智通能作無邊大
神變事或復發起天耳智通明了清淨過人
天耳能如實聞十方世界情非情類種種音
聲或復發起他心智通能如實知十方世界
他有情衆心心所法或復發起宿住智通如
實念知十方世界無量有情諸宿住事或復

發起天眼智通明了清淨過人天眼能如實
見十方世界有情無情種種色像乃至業果
皆如實如是菩薩摩訶薩安住此五清淨神
通從一佛國至一佛國親近供養諸佛世尊
請問如來甚深法義種植無量真淨善根成
熟有情嚴淨佛土勤修種種菩薩勝行持此
珠 大般若經五百三十三
善根不求三界及二乘果與諸有情平等共
有迴向無上正等菩提以無所得而為方便
如是迴向大菩提時遠離三心謂誰迴向何
所迴向以何迴向是為菩薩摩訶薩安住靜
慮波羅蜜多引攝精進波羅蜜多若菩薩摩
訶薩安住靜慮波羅蜜多觀色蘊乃至識蘊

不可得廣說乃至觀一切智智亦不可得觀
有為界不可得觀無為界亦不可得如是菩
薩觀一切法不可得故無作無造無作造故
無生無滅無生滅故無取無捨無取捨故畢
竟清淨常住無變所以者何以一切法諸佛
出世若不出世安住法性法界法住無生無
滅常無變異是菩薩摩訶薩心常不亂恒時
安住一切智智相應作意如實觀察一切法
性都無所有復持如是妙慧善根與諸有情
平等共有迴向無上正等菩提以無所得而
為方便如是迴向大菩提時遠離三心謂誰
迴向何所迴向以何迴向是為菩薩摩訶薩

安住靜慮波羅蜜多引攝般若波羅蜜多具
壽善現復白佛言云何菩薩摩訶薩安住般
若波羅蜜多引攝布施乃至靜慮波羅蜜多
佛告善現若菩薩摩訶薩安住般若波羅蜜
多觀一切法空無所有具壽善現便白佛言
云何菩薩摩訶薩安住般若波羅蜜多觀一

珠 大般若經五百三

切法空無所有佛告善現諸菩薩摩訶薩安

其

住般若波羅蜜多觀內空內空性不可得觀
外空外空性不可得觀內外空內外空性不
可得觀大空大空性不可得觀空空空空性
不可得觀勝義空勝義空性不可得觀有為
空有為空性不可得觀無為空無為空性不

可得觀畢竟空畢竟空性不可得觀無際空
無際空性不可得觀無散空無散空性不可
得觀本性空本性空性不可得觀相空相空
性不可得觀一切法空一切法空性不可得
是菩薩摩訶薩安住如是十四空中不得色
若空若不空不得受想行識若空若不空廣
說乃至不得一切智智若空若不空不得有
為界若空若不空不得無為界若空若不空
是菩薩摩訶薩安住般若波羅蜜多於諸有
情所有布施若食若飲及餘資具皆觀為空
若能布施若所布施若布施福若布施果如
是一切亦觀為空菩薩於時由住空觀愛染

慳恡皆無容起所以者何是菩薩摩訶薩修
行般若波羅蜜多從初發心乃至安坐妙菩
提座如是分別一切不起如諸如來應正等
覺無時暫起愛心慳心此菩薩摩訶薩亦復
如是修行般若波羅蜜多愛心慳心皆永不
起善現當知如是般若波羅蜜多是諸菩薩

珠 大般若經卷百三

十七

摩訶薩師能令菩薩摩訶薩衆不起一切妄
想分別所行布施皆無染著是菩薩摩訶薩
持此善根以無所得而為方便與諸有情平
等共有迴向無上正等菩提如是迴向大菩
提時遠離三心謂誰迴向何所迴向以何迴
向是為菩薩摩訶薩安住般若波羅蜜多引

攝布施波羅蜜多若菩薩摩訶薩安住般若
波羅蜜多受持淨戒一切聲聞獨覺等心無
容得起所以者何是菩薩摩訶薩觀諸聲聞
獨覺等地皆不可得迴向彼心亦不可得迴
向彼地身語律儀亦不可得是菩薩摩訶薩
安住般若波羅蜜多從初發心乃至安坐妙
菩提座於其中間自斷生命乃至邪見亦
勸他斷生命乃至邪見無倒稱揚斷生
命乃至邪見法歡喜讚歎斷生命乃至邪
見者是菩薩摩訶薩持此淨戒所生善根不
求二乘及三界果與諸有情平等共有迴向
無上正等菩提以無所得而為方便如是迴

向大畧提時遠離三心謂誰迴向何所迴向
以何迴向是為菩薩摩訶薩安住般若波羅
蜜多引攝淨戒波羅蜜多若菩薩摩訶薩安
住般若波羅蜜多起隨順忍得此忍已常作
是念一切法中無有一法若起若滅若生若
老若病若死若能罵者若受罵者若能誇者
珠 大般若經卷五十三
若受誇者若能割截斫刺打縛惱觸加害若
所割截斫刺打縛如是一切性相皆空不應
於中妄想分別是菩薩摩訶薩得此忍故從
初發心乃至安坐妙畧提座於其中間假使
一切有情之類皆來呵毀誹謗凌辱以諸刀
杖瓦石塊等損害打擲割截斫刺乃至分解

身諸支節。今時菩薩心無變異。但作是念。深
可怖哉。諸法性中都無訶毀。誹謗凌辱加害
等事。而諸有情妄想分別。謂為實有發起種
種煩惱惡業。現在當來受諸苦惱。是菩薩摩
訶薩持此善根。與諸有情平等。共有迴向。無
上正等菩提。如是迴向。大菩提時。遠離三心。
謂誰迴向。何所迴向。以何迴向。是為菩薩摩
訶薩安住般若波羅蜜。多引攝安忍波羅蜜。
多若菩薩摩訶薩安住般若波羅蜜。多勇猛
精進。為諸有情宣說正法。令住布施波羅蜜。
多乃至般若波羅蜜。多或令住四念住。乃至
八聖道支。或令安住諸餘功德。是菩薩摩訶

薩成就種種方便善巧身心精進以神通力
往一世界或十或百乃至無量無邊世界諸
有情所宜說正法方便化導令住預流一來
不還阿羅漢果或令安住獨覺菩提或令證
得一切智智是菩薩摩訶薩雖為此事而不
住有為界亦不住無為界復持如是精進善
根與諸有情平等共有迴向無上正等菩提珠 大般若經卷百三十一
以無所得而為方便如是迴向大菩提時遠
離三心謂誰迴向何所迴向以何迴向是為
菩薩摩訶薩安住般若波羅蜜多引攝精進
波羅蜜多若菩薩摩訶薩安住般若波羅蜜
多除諸佛定於餘一切聲聞獨覺菩薩勝定

皆能自在隨意入出。是菩薩摩訶薩安住菩薩自在勝定於八解脫皆能自在。順逆入出。謂有色觀諸色解脫乃至滅想受解脫。是菩薩摩訶薩復於九次第定若逆若順自在入出。謂四靜慮四無量四無色定。滅想受定。是菩薩摩訶薩於八解脫九次第定順逆入出。善成就已能入菩薩摩訶薩師子頻申三摩地。云何名為菩薩摩訶薩師子頻申三摩地。謂菩薩摩訶薩離欲惡不善法。有尋有伺。離生喜樂入初靜慮。次第乃至超一切非想非非想處入滅想受定。復從滅想受定起還入非想非非想處定。次第乃至入初靜慮。是為

菩薩摩訶薩師子頻申三摩地是菩薩摩訶
薩於師子頻申三摩地善成熟已復入菩薩
摩訶薩集散三摩地云何名為菩薩摩訶薩
集散三摩地謂菩薩摩訶薩離欲惡不善法
有尋有伺離生喜樂入初靜慮從初靜慮起
次第乃至入滅想受定從滅想受定起入初
靜慮珠 大般若經卷百十三從初靜慮起入滅想受定從滅想受定
起入第二靜慮從第二靜慮起入滅想受定
從滅想受定起入第三靜慮從第三靜慮起
入滅想受定從滅想受定起入第四靜慮從
第四靜慮起入滅想受定從滅想受定起入
空無邊處定從空無邊處起入滅想受定

從滅想受定起入識無邊處定從識無邊處
定起入滅想受定從滅想受定起入無所有
處定從無所有處定起入滅想受定從滅想
受定起入非想非非想處定從非想非非想
處定起入滅想受定從滅想受定起復入非
想非非想處定從非想非非想處定起住不
定心從不定心起入滅想受定從滅想受定
起住不定心從不定心入非想非非想處定
從非想非非想處定起住不定心從不定心
入無所有處定從無所有處定起住不定心
從不定心入識無邊處定從識無邊處定起
住不定心從不定心入空無邊處定從空無

邊處定起住不定心從不定心入第四靜慮
從第四靜慮起住不定心從不定心入第三
靜慮從第三靜慮起住不定心從不定心入
第二靜慮從第二靜慮起住不定心從不定
心入初靜慮從初靜慮起住不定心是為菩
薩摩訶薩集散三摩地若菩薩摩訶薩安住
如是集散三摩地得一切法平等實性是菩
薩摩訶薩復持如是靜慮善根與諸有情平
等共有迴向無上正等菩提以無所得而為
方便如是迴向大菩提時遠離三心謂誰迴
向何所迴向以何迴向是為菩薩摩訶薩安
住般若波羅蜜多引攝靜慮波羅蜜多

珠 大般若經五百三

亦一

大般若波羅蜜多經卷第五百二十三 珠

山城國綴喜郡薪村

靈瑞山嗣恩菴沙門宗桂書寫之

珠 大般若經卷第五百二十三



廿二

